

易

林

註

易林卷第十一



艮上 兌下
損

路多枳棘步刺我足不利孤客爲心
作毒

無註

之乾

鯉鮒鮓鰕勸福多魚資所有无富我
邦家

勸助也見廣韻

坤

景星照堂麟游鳳翔仁施大行頌聲
作興征者無明失其寵光

景星一名德星王者不私人以官
使賢者在位則見

屯

羊腸九縈相推稍前止須王孫乃能

上天

戰國策注趙險塞名山形屈辟如

羊腸

蒙

四手共身莫適所閑更相放接動失

事便

無註

需

水流趨下逮至東來求我所有買魴

與鯉

無註

訟

春粟夏棗少鮮希有斗千石萬貫不

可販

無註

師

旦往暮還相祐與聚無有凶患

無註

比

大蛇當路使季畏懼湯火之災切直
我膚賴其天幸歸于生廬

漢高祖劉季被酒夜徑澤中有大
蛇當徑遂拔劍斬之

小畜

從足去域飛入陳國有所畏避深藏
邃匿

無註

履

海爲水宗聰聖且明百流歸德無有
叛逆常饒優足

書禹貢江漢朝宗于海

泰

夏麥麩麩霜擊其芒病君敗國使年
大傷

麩音孚麩古猛切

否

秋隼冬翔數被嚴霜雄父夜鳴家憂
不寧

無註

同人

樂仁上德東鄰慕義來安吾國

無註

大有

逐憂除殃汗泥生梁下田爲汪

無註

謙

闇昧冥語轉相迷誤鬼魅所居誰知
卧處

無註

豫

南歷玉山東入玉關登上福堂飲萬

歲漿

無註

隨

比目四翼來安我國福善上堂與我

同床

無註

蟲

乘牛逐驥日暮不至路宿多畏亡其

驛驩

無註

臨

元吉無咎安寧不殆

無註

觀

奮翅鼓翼翱翔外國逍遙徙倚來歸
温室

無註

噬嗑

河伯娶婦東山氏女新婚三日浮雲
洒雨雨我菅茅萬家之祐

史記西門豹爲鄴令問民所疾苦

皆曰苦爲河伯娶婦不爲娶婦水
漂人民豹曰至時來報吾亦往送
女至其時豹往河上使吏抱大巫
投河中吏民驚恐從是不敢復言
河伯娶婦矣

賁

嬰兒求乳慈母歸子黃麋悅喜得見
甘飽

麋鹿子也

剥

貧鬼守門日破我盆毀罌傷缸空虛
無子

無註

復

多載重負捐弃於野子無稚子但自

勞苦

無註

无妄

雄狐綏綏登山崔嵬昭告顯功大福

允興

詩云南山崔崔雄狐綏綏

大畜

嬰兒孩笑未有所識狄童而爭亂我
政事

狄當作彼

頤

十九同投爲雉所維獨得跳脫完全
不虧

無註

大過

狐濟濡尾求橘得枳季妣懷悔鮑舍
魚鳧

易未濟亨小狐汔濟濡其尾言狐
能渡水濡尾則不能濟也

坎

跌足息肩所忌不難金城銅郭以鐵
爲闕蕃屏周衛安止無患

無註

離

戴堯扶禹松喬彭祖西過王母道里

夷易無敢難者

堯禹皆仁德之君赤松王喬彭祖
皆古之仙者

咸

京庾積聚黍稷以極行者疾至可以
厭飽

無註

恒

良夫孔姬脅懼登臺樂季不扶叔輒
走逃

按春秋左傳孔伯姬與其豎渾良
夫爲蒯瞶劫孔懼登臺衛亂季路
死焉衛輒奔宋

遜

天之所予福祿常在不憂危殆

無註

大壯

行觸天剛馬死車傷身無慘賴困窮

乏糧

無註

晉

鉛刀攻玉堅不可得盡我筋力胝壘
爲疾

無註

明夷

穆違百里使孟奮武將軍師戰敗於
穀口

秦穆公違蹇叔之言使百里孟明
視出師襲鄭孟即孟明視也

家人

有人追亡鳥言所匿不旅日得
無註

睽

府藏之富王以賑貸捕魚河海苟罔
多得

無註

蹇

鴻飛遵陸公歸不復伯氏客宿

詩九罭篇云鴻飛遵陸公歸不復
於汝信宿

解

見過稻廬甘樂廣鮓雖驚不去田畯
懷憂

田畯田大夫農官也

益

兩師娶婦黃巖季子成禮既婚相呼
面南膏潤應時年豐大喜

博物志曰太公爲灌壇令武王夢

婦人當道夜哭問之曰吾是東海
神女嫁於西海神童今爲灌壇令
當道廢我行我行必有大風疾雨
武王覺召太公問之果有疾風暴
雨從太公邑外過

夫

畜積有餘冀土不居美哉輪奐出有
高車

無註

溝

重門擊柝陵昧武守雖驚不懼一云
重門擊柝介士守護終有他道雖驚
不懼

易繫辭重門擊柝以待暴客蓋取
諸豫

萃

大都王市稠人多寶公孫宜賈其貸
萬倍

無註

升

秋隼冬翔數被嚴霜甲兵當庭萬物
不生雄父夜鳴民擾以驚

無註

困

招禍致凶來螫我邦痛在手足不得
安息

無註

井

秦失其鹿疾走先得勇夫慕義君子
變服

史記蒯徹曰秦失其鹿天下共逐
高材疾足者先得之

革

山陵四塞逼我徑路欲前不得復還
故處

無註

鼎

一指食肉口無所得舌饒於腹

左傳鄭公解黿召子公而弗與子
公怒染指於鼎嘗之而出

震

晨夜驚駭不知所止皇母相祐卒得
安處

無註

艮

豺狼所言語無成全誤我白馬使乾
口來

無註

漸

呼精靈來魄生無憂疾病瘡瘻解我
患愁

瘡音愈瘻音抽

歸妹

牧羊逐兔使魚相捕任非其人廢日
無功一云卒歲無功不免辛苦

無註

豐

堂祥上樓與福俱居席地妃治國安
無憂

未詳

旅

禹召諸臣會稽南山執玉萬國天下
康安

史記禹南巡狩會諸侯于塗山執

玉帛者萬國

巽

太姒文母乃生聖子昌發受命爲天
下主

大姒文王妃也文王名昌武王名
發伐紂而有天下

允

兩宜同室兔無誰告與狂相觸蒙我

以惡

無註

渙

桃雀竊脂巢於小枝動搖不安爲風
所吹寒恐悚慄常憂殆危

桃雀即桃虫詩曰肇允彼桃虫註
云鷦鷯也竊脂桑扈也

節

陽春長日萬物華實樂有利福一云
春陽成長萬物華實福利所鍾忻忻
過日

無註

中孚

鄰不我顧而望玉女身疾瘡癩誰肯
媚者

無註

小過

涸旱不雨澤竭無流魚鼈乾口皇天
不憂

無註

既濟

狼虎之鄉日爭凶訟受性貪負號食不能
容縱

無註

未濟

陰注寒疾水離其室舟楫大作傷害
黍稷民飢於食亦病心腹

無註



震下巽上益

文王四乳仁愛篤厚子畜十男無有
折夭

淮南子云文王有四乳

之乾

下堂出門東至九山逢福值喜得其

安閑

無註

坤

城上有鳥自名破家招呼鳩毒爲國

患災

無註

屯

伯虎仲熊德義淵聞使敷五教陰陽
順序行溢多悔利無所得

按史高辛氏之子有曰伯虎仲熊
為伯益之佐伯虎疑即仲虎也五
教父子有親君臣有義夫婦有別
長幼有序朋友有信

蒙

飲酒醉酣跳起爭鬪手足紛拏伯傷
仲僵東家治喪伯仲俱損因以治喪
無註

需

四目相視稍近同机日昃之後見吾

伯姊

無註

訟

隨時逐便不失利門多獲得福富於
封君

無註

師

隴西冀北多見駿馬去如焱颺害不
能傷

焱音艷颺音羊

比

白龍黑虎起伏俱怒蚩尤敗走死於
魚首

史記軒轅修德治兵禽殺蚩尤於
涿鹿

小畜

鴻飛戾天避害紫淵雖有鋒門不能
危身

無註

履

平國不君夏氏作亂烏號竊發靈公
隕命

陳靈公通於夏姬其子徵舒病之
出自廐射而中之事見宣公十年

恭

江漢上游政逆民憂陰伐其陽雄受
其殃

無註

否

東家殺牛聞臭腥臊神怒不顧命衰
絕周亳社災燒妄夷誅愁

易曰東鄰殺牛不如西鄰之禴祭
春秋魯襄公三十年五月鳥鳴于
亳社甲午宋大災

同人

西誅不服恃彊負力倍道趨敵師走
敗覆

按史記楚項梁西擊秦破章邯引
兵至定陶再破秦軍項羽沛公大
破秦兵於雍斬李由梁益輕秦有
驕色宋義諫弗聽秦悉起兵益章
邯擊楚軍大破之定陶項梁死焉

大有

一婦六夫亂擾不治張王季疾莫適
為公政道壅塞周君失邦

無註

謙

配合相迎利之四鄉昏以為期明星
煌煌欣喜爽澤所言得當

無註

豫

援墮高木不踈手足握金懷玉還歸
其室

無註

隨

卷領遁世仁德不害三聖欣同周國
茂興

按史周太王欲以國授季歷太伯
仲雍知之太王病二人託採藥於

荆蠻以讓之故云遁世舍止息也
言周之仁德不止息也三聖季歷
文王武王也卷領未詳恐字有誤

蠱

去患脫厄安無怵惕上福喜堂見我
懼兄

無註

臨

帶季兒良明知權兵將師合戰敵不能當趙魏以強

帶季即帶佗與兒良俱戰國時人善用兵知權變

觀

鵠思其雄欲隨鳳東順理羽翼出次
須日中留北邑復反其室

無註

噬嗑

耳如驚鹿不能定足室家分散各走

匪竄

無註

賁

甲乙丙丁俱位我庭三丑六子入門

見毋

未詳

剥

躡華巔觀浮雲風雨不博心安匿無咎患

無註

復

德施流行利之四鄉兩師洒道風伯
逐殃巡狩封禪以告成功

巡狩者天子巡行諸侯所守之地

封禪封土爲壇除地爲禪古者帝王之興每易位而起必封乎泰山所以告成功也

无妄

水流趨下遂成東海求我所有買鱣與鯉

無註

大畜

和氣相薄膏潤津澤生我嘉穀

無註

頤

憂驚以除禍不成災安全以來

無註

大過

豎冰黃鳥常哀悲愁不見白粒但覩

藜蒿數驚執鳥鳥飄為我憂

無註

坎

翕翕軸軸實墮崩巔滅其命身

軸音田

離

因禍致福喜盈其室

無註

咸

佳居千里不見河海無有魚市

無註

恒

鹿得美草嗚呼其友九族和睦不憂

飢乏

鹿鳴燕饗賓客之詩也曰呦呦鹿
鳴食野之苹我有嘉賓鼓瑟吹笙

遯

出門得堂不逢禍殃入戶自若不見

矛戟

無註

大壯

巽尊重席命我嘉客福祐久長不見

禍殃

無註

晉

鳴鴻俱飛北就魚池鱸鮓有鯉多饒
所有一筭獲兩利之過倍

無註

明夷

當風奮翼與鳥飛北入我嘉國見吾

慶室

無註

家人

麒麟鳳凰善政德祥陰陽和調國無
灾殃

無註

睽

逐狐東山水過我前深不可涉失其
後便

無註

蹇

丑戌亥子飢饉前生陰陽暴客水絕
我食

未詳

解

狐狸雉兔畏人逃去分走竄匿不知
所處

無註

損

卷十一
三十一
桀跖惡人使德不通炎旱爲殃年穀
大傷

無註

夬

兔乳在室行求雀食虎懼我子長號
不已

無註

遘

土階明堂禮讓益與雄二相得使民
無疾

帝堯之時土階三尺周公宗祀文
王於明堂以配上帝雄二相得未

詳

萃

送金出門并失玉丸往來井上破甕
壞盆

無註

升

諷德誦功美周盛隆加其旦輔光濟
沖人

周自文武興功德隆盛成王幼沖
又得周公旦爲之輔書曰昔公勤
勞王家惟予沖人弗及知

困

盜竊滅身貳母不親王后無黨毀其
寶靈

無註

井

六目睽睽各欲有至專止未裝候待
旦明

無註

革

雀行求粒誤入罟罟賴仁君子復脫
歸室

無註

鼎

仁德孔明患禍不傷期誓不至室人

銜恤

無註

震

龜厭江海陸行不止自今拈槁失其
都市雖憂无咎

無註

良

孤獨特處莫依爲輔心勞志苦

無註

漸

伯仲言留叔子云去雖自无咎主母

大喜

無註

歸妹

初憂不安後得笑懼雖懼無患

無註

豐

好戰亡國師不以律稱上隕墜齊侯
狼戾其被災崇

齊頃公好用兵師出無度搆怨於鄰國其狠戾可知也

旅

鹿在澤陂豺傷其麋泣血獨哀

鹿獸名按韻府群玉千年爲蒼鹿
又百年爲白鹿又五百年爲玄鹿
麋鹿子也

巽

天地閉塞仁智隱伏商旅不行利潤
難得

易坤文言曰天地閉賢人隱又復
象曰先王以至日閉關商旅不行

允

福德之士懽悅日喜夷吾相桓三歸
為臣賞流子孫

夷吾齊相管仲也三歸臺名婦人

謂嫁曰歸一娶九女而備三姓

渙

上無飛鳥下乏走獸亂擾未治民勞
於事

無註

節

據斗運樞順天無憂與樂並居

斗宿名南北二斗象皆如斗北極

有五星太乙常居其中是樞星也

中孚

戴瓶望天不見星辰顧小失大福逃

廬外

無註

小過

月削日衰工女下機宇宙滅明不見

三光

無註

既濟

操戟刺魚被髮立憂虎脫我衣狼取
我袍亡馬失財

無註

未濟

兩人俱醉相與悖戾心乖不同爭訟
凶凶

無註



乾下
兌上

夬

戴堯扶禹松喬彭祖西過王母道里
夷易無敢難者

堯唐帝禹夏禹赤松王喬彭祖皆
古仙人名

之乾

狼戾美謀無言不殊允厭帝心悅以

獲祐

無註

坤

歲暮華落陽入陰室萬物伏匿絕不
可得

無註

屯

雞鳴失時君騷相憂犬吠不休行者

稽留

無註

蒙

鳧鷖遊涇君子以寧履德不愆福祿
來成

詩鳧鷖守成也曰鳧鷖在涇公尸
來燕來寧又云公尸燕飲福祿來
成

需

薄爲藩蔽勁風吹却欲上不得復歸
其宅

無註

訟

東行破車步入危家衡門垂倒無以
爲主賣袍續食糟糠不飽

無註

師

青牛白咽呼我俱田歷山之下可以
多耕歲稔時節民人安寧

無註

比

異國殊俗情不相得金木爲仇百賊
擅殺

無註

小畜

陰陽精液高孰晚拆胎郊成鬼肇生
頭目日有大喜

無註

履

飢蠱作害偏多亂纏緒不可得

無註

泰

清泠如雲爲兵導先民人寃急不知

西東

無註

否

班馬旋師以息勞罷役夫嘉喜入戶
見妻

春秋齊師夜遁有班馬之聲註馬
不相見故鳴班別也

同人

坐爭立訟紛紛
凶凶卒成禍亂
災及家公

無註

大有

鹿食美草逍遙
求飽日暮後門
過期乃還肥澤
且厭

無註

謙

田鼠野雉意常欲去拘制籠檻不得

搖動

無註

豫

月趨日步周遍次舍歷險致遠無有
難處

無註

隨

天孫帝子與日月處光榮於世福祿
祉祉

無註

蟲

晨風文翰大舉就溫昧過我邑羿無
所得

詩駢彼晨風鬱鬱彼北林晨風鷦也

羿古之善射者

臨

旦生夕死名曰嬰鬼不可得視

無註

觀

疾貧望仕使伯南販開牢擇羊多得

大牂

無註

噬嗑

長城驪山生我大殘涉叔發難唐叔
為患

秦築長城建阿旁宮於驪山涉叔
即陳涉也

賁

娶於姜呂駕迎新婦少齊在門夫子
歡喜

春秋昭公二年夏四月韓須如齊
逆女齊陳無宇送女致少姜少姜
有寵於晉侯謂之少齊姜齊姓

剝

隨時春草舊枝葉起扶踈條挑長大
羨盛華沃鑠舒

無註

復

姬姜既懽二姓爲婚霜降合好西施
在前

武王之妃太公呂望之女也周姬
姓太公姜姓封于齊

无妄

戴笠獨宿晝不見日勤苦無代長勞
悲思

無註

卷十一
四十一
大畜

始加元服二十繫室新婚既樂伯季
有得

元服首服也

頤

二室靈臺文所止遊雲物備故長樂
無憂

文王以民力爲臺爲沼而民歡樂

之謂其臺曰靈臺古者天子有靈臺所以觀祲象望雲物也

大過

久陰霖雨塗行泥潦商人依山市空
無有

無註

坎

城壞壓境數為齊病侵伐不休君臣

擾憂上下屈竭士民無財

無註

离

南國盛茂黍稷醴酒可以饗養養樂我
嘉友

無註

咸

憂在心腹內崩爲疾禍起蕭牆意如

制國

左傳意如魯大夫季平子名昭公
二十五年伐季氏孟孫叔孫遂伐
公徒公遜於齊次於陽州

恒

朽根則樹華葉落去卒逢火焮隨風
僵仆

無註

遜

樹表為壇相與期言午中不會寵名
棄廢

司馬穰苴請於齊景公使莊賈監
其軍苴與賈約曰日中會于軍門
苴立表下漏以待賈日中而賈不
至遂斬之

大壯

四足俱走奴罷在後德戰不勝敗於

東楚

無註

晉

執轡西朝回還故處麥秀傷心叔父

有憂

無註

明夷

長夜短日陰為陽賊萬物空枯藏於
北陸

漢志日行四陸春東陸夏南陸秋
西陸冬北陸

家人

鳴鳩七子均而不殆長大成就弃而
合好

詩曹風鳴鳩篇云鳴鳩在桑其子

七兮淑人君子其儀一兮其儀一
兮心如結兮

睽

三羊上山馳至大原黃龍負舟遂到
夷傷究其玉囊

史記禹濟江黃龍負舟舟中人懼
禹仰天歎曰吾受命於天竭力以
勞萬民生寄也死歸也余何憂於

龍顏色不變須臾龍俛首低尾而
逝焉

蹇

手足易處頭尾顛倒公爲雌嫗亂其
蚕織

無註

解

登高望家役事未休王政靡盬不得

逍遙

四牡勞使臣之詩也云王事靡盬
不遑將父

損

畏昏不行候待旦明燎獵受福老賴
其慶

無註

益

孤獨特處莫依無輔心勞志苦

無註

溝

山石朽破消崩墮墜上下離心君受

其崇

無註

萃

文母聖子無疆壽考為天下主人受

其福

文母者武王之母太妣也有莘妣
氏之女仁而明道文王嘉之親迎
于渭納以爲妃朝夕勤勞以進婦
道號曰文母生聖子武王周公旦
武王伐紂遂有天下國祚永久受
福無疆也

升

倨傀加俄前後相違言如鼈咳語不
可知

無註

困

五龍俱超強者敢走露我苗稼年歲

大有

無註

井

虎除善猛難爲政
鑿驥疲鹽車困於
銜筭

驥良馬服鹽車而上大行之阪遇
伯樂輒長鳴出戰國策

革

江南多蝮螫於手足
冤煩詰屈痛徹
心腹

無註

鼎

心無所據射鹿不得多言少實語成
無事

無註

震

君明主賢鳴求其友顯德之政可以
履事

無註

良

安上宜官一日九遷踰群越等牧在
常山

漢田千秋一日九遷其官

漸

俊倅解謝除去垢汗驚之成患嬰氏

醜殘

無註

歸妹

翁狂嫗盲相牽北行欲歸高邑迷惑
不得

無註

豐

醉卧道傍迷旦失明不全我生

無註

旅

北登鬼丘駕龍東遊王叔御后文武
何憂

無註

巽

恬淡無患遊戲道門與神往來長樂
以安

無註

兌

以婚易系抱布自媒弃禮急情卒離
憂悔

詩氓之蚩蚩抱布貿絲又匪我愆
期子無良媒此婦人爲人所棄而
自叙其事以道其悔恨之意也

渙

被服大冠遊戲道門以禮相終身無
殃患

無註

節

大麓魚池陸爲海涯君子失行小人
相携

無註

中孚

淵泉溢出爲我邑崇道路不通孩子
心慣

卷十一
五十二
慣當作慣

小過

十里望煙散
渙四分形體滅
亡可入深淵
終不見君

無註

既濟

傳言相誤非
蕪徑路鳴鼓
逐狼不知迹
處

無註

未濟

東失大珠西行弃襦時多不利使我
後起

無註

䷿ 巽上遣

河伯大呼津不可渡往復爾故乃無
大悔

莊子秋水時至百川灌河涇流之
大兩溪涯渚之間不辨牛馬河伯
自喜以爲天下之美盡在矣

之乾

蒙被恩德長大成就柔順貞利君臣
合好

無註

坤

東山西山各自止安心雖相望意不
同堂

無註

屯

登山上谷與虎相觸狷爲功曹班叔
奔北脫之嘉國

史記龜策傳云郭璞曰狷能制虎
狷刺端分兩岐似鼠少犯近則毛

刺攢起如矢也

蒙

躓跛未起失利後市

無註

需

結珠懷復卑斯以鬼爲君奴婢

無註

訟

雞鳴失時民僑勞苦厖吠有威行者
留止

無註

師

陳嬀敬仲示兆興姜乃寓營丘八世
大昌

按春秋傳陳嬀姓敬仲即陳公子
完魯莊公二十二年奔齊使爲工

正初懿氏卜妻敬仲曰有媯之後
將育于姜八世之後莫之與京姜
齊姓營丘齊所封之地

比

鹿畏人 人畏俱入深谷 短命不長為虎
所得死於牙腹

無註

小畜

言無約結不成契券殷叔季女公孫
爭之強入委禽不悅於心乃適子南
鄭徐吾犯之妹美公孫楚聘之矣
公孫黑又使強委禽焉註云禽鴈
也納采用鴈事見春秋魯昭公元
年殷叔未詳

履

鼓瑟歌舞懼遺於酒龍喜張口大喜

在後

無註

泰

凶憂災殃日益章明禍不可救三郤
夷傷

按春秋三郤晉大夫郤錡郤犇郤
至成公十七年晉厲公侈多外嬖
欲盡去群大夫而立其左右遂殺

三郤

否

水流趨下遂成東海求我所有買鱣
與鯉

無註

同人

陰爲陽賊君不能尅舉動失常利無
所得

無註

大有

離牀失案龜喪其願都市無會叔季
懷恨

無註

謙

雍遏堤防水不得行火慎陽光陰竟
伏藏走歸其鄉

覓當作覓

豫

壁屈復申本乘浮雲貴寵母前

無註

隨

實沈參罰以義斷割次陸服薪成我

霸功

實沈參神參虛晉地也罰當作虛

蟲

金泉黃寶宜與我市娶嫁有息利得

過毋

無註

臨

禹召諸侯會稽南山執玉萬國天下

康寧

史記禹南巡狩會諸侯于塗山執

玉帛者萬國

觀

三蟲作蠱踐跡無與勝毋盜泉君子
不處

按史記鄒陽書里名勝毋曾子不
入盜泉孔子不漱

噬嗑

華葉墮落公歸姬宅夷子失民潔白

不食

無註

賁

履機懼毀身王子廢終得所欲無有

凶害

無註

剝

道理和德仁不相賊君子攸往樂有

利福

無註

復

合匏同牢姬姜並居

無註

无妄

關雎淑女賢賢妃偶宜家壽母福祿

長久

詩關雎后妃之德也云關關雎鳩
在河之洲窈窕淑女君子好逑

大畜

騏驥晚乳不知子處旋動悲鳴痛傷
我心

無註

頤

智高絕理陰孽謀主十日不食困於

申亥

春秋昭公十三年夏四月楚公子
比等因四族之徒以入楚殺太子
祿及公子罷敵告乾谿之師使叛
楚靈王還及訾梁而師潰遂依申
亥夏五月王縊于申亥氏

大過

監諸牧玉無不穿鑿
麟鳳成形德象

君子三仁翼事所求必喜

無註

坎

昧暮乘車以至伯家踰梁渡河濟脫

無他

無註

離

吾有黍梁委積外塲有用服箱運

我藏富於喜糧

無註

咸

喜笑且語不能掩口官爵並至慶賀
盈戶

無註

恒

霧露雪霜日暗不明陰孽生疾年穀

大傷

無註

遜

伯去我東髮擾如蓬寤寐長歎展轉
空牀內懷悵恨摧我肝腸

詩衛風伯兮篇云自伯之東首如
飛蓬又曰願言思伯使我心痲註
云婦人以夫久役於外而作是詩

大壯

亡羊捕牢母損於憂

無註

晉

販鼠賣卜利少無謀難以得家

鄭人謂玉未理者璞周人謂鼠未
腊者朴周人懷朴過鄭賈曰欲買
朴乎鄭賈曰欲之出其朴乃鼠也

因謝不取出戰國策

明夷

西戎爲疾幽君去室陳子發難項伯
成就

春秋幽王十五年有西夷犬戎之
難幽君即幽王也史記陳勝字涉
秦二世元年起兵於蘄陳子即陳
勝也項伯嘗以身救翼沛公卒成

漢業

家人

秋風生哀華落生悲公室多難羊舌氏衰

春秋魯昭公二十八年晉祁盈執祈勝晉侯執祁盈殺之及揚食我食我祁盈之黨也而助亂故殺之遂滅祁氏羊舌氏公室晉室晉侯

頃公也

睽

持福厭患去除天殘日長夜盡喜世

蒙恩

無註

蹇

新授大喜福復重來樂且日富是惟

豐財

無註

解

前頓却躓左跌右逆登高安梯復反

來歸

無註

損

夢飯不飽酒未入口
嬰女雖好媒鴈
不許

無註

益

大都王市稠人多寶公孫宜賈資貨

萬倍

無註

夾

兩人俱醉相與悖戾心乖不同爭訟

匈匈

無註

萃

身無頭足超躡空乖不能遠之中道
廢休失利後時

無註

升

三人俱行六目光明道逢淑女與我
驥子

無註

困

進仕爲官不若復田獲壽保年

無註

井

先易後否失我所市騷蘇自苦思吾
故土

無註

革

蘇氏發言韓魏無患張子馳說燕齊
以安

按史記蘇秦說韓魏以合從張儀
說燕齊以連衡

鼎

武庫軍府甲兵所聚非里邑居不可

舍止

無註

震

一身三口莫適所與爲孺子牛田氏

主咎

按春秋傳孺子名荼齊景公妾粥鬲
姒所生景公嘗銜繩爲牛使荼牽
之故曰爲孺子牛

良

西山東山各自止安心雖相望竟未
上堂

無註

漸

不改柯葉和氣中適君子所在安無
怵惕

無註

歸妹

將戍擊亥陽藏不起君子散亂太山

危殆

無註

豐

天官列宿五神舍室宮闕完堅君安
其居

無註

旅

左手把水右手把火如光與鬼不可
得從

無註

巽

逐狐東山水過我前深不可涉失利

後便

無註

兌

水瀆魚室來灌吾邑衝沒我家與狗
俱遊

未詳

渙

山險難登澗中多石車馳轆擊重載
傷軸擔負善躓跌踣右足

無註

節

糟空無實豚彘不食庶民屈竭離其居室

糟當作槽

中孚

執熱爛手火爲災咎公孫母賴敗我

玉寶

無註

小過

三虎上山更相噬啣心志不親如仇
與怨

無註

既濟

西家嫁子借隣送女嘉我淑姬賓主
俱喜

無註

未濟

尅身潔已逢禹巡狩錫我玄圭拜受
福祉

書禹貢云禹錫玄圭告厥成功言
水土既平禹以玄圭爲贄而告成
功于舜也水色黑故圭以玄云

易林卷第十一

